

## Pitanja i odgovori iz šeste sedmice (9 – 15. mart 2026) objave Poziva za dostavljanje projektnih prijedloga u okviru EU4CAET – Instrumenta za dodjelu grantova – Finansijski aspekt - Poziv br. 1 (EU4CAET Poziv)

### Pitanje 1.

Molimo Vas za pojašnjenje da li jedna općina može podnijeti dvije odvojene prijave za dva različita projekta u okviru „EU4CAET Instrumenta za dodjelu grantova – Finansijski aspekt, Poziv br. 1“?

### Odgovor 1.

Da. Općina može podnijeti više projektnih prijedloga u okviru EU4CAET Poziva, pod uslovom da je svaki projektni prijedlog zasebno definisan, usmjeren na jednu prihvatljivu tehnologiju, te da ispunjava sve pravne, tehničke i finansijske zahtjeve EU4CAET Poziva. Svaka prijava se razmatra i ocjenjuje odvojeno, u skladu s kriterijima evaluacije.

### Pitanje 2.

U procesu pripreme projektnog prijedloga za EU4CAET Poziv br. 1, razmatramo mogućnost apliciranja na projekat zamjene javne rasvjete na području jedinice lokalne samouprave. Molimo vas za zvanično pojašnjenje u pogledu prihvatljivosti projekta sljedećih karakteristika: Predloženi projekat podrazumijeva zamjenu postojećih LED armatura (niskih performansi, istekle garancije) na približno 50 različitih tačkastih lokacija raspoređenih u više od 30 mjesnih zajednica na ruralnom dijelu teritorije JLS. Na svakoj lokaciji radi se o manjem broju armatura, bez međusobne tehničke ili funkcionalne povezanosti između lokacija.

U tom kontekstu, tražimo pojašnjenje za sljedeća pitanja:

1. Da li Poziv zahtijeva da projekat javne rasvjete predstavlja tehnički i funkcionalno zaokruženu cjelinu (npr. kompletna ulica, zona ili naselje), ili je prihvatljiv parcijalni pristup sa intervencijama na međusobno nepovezanim tačkastim lokacijama raspoređenim na širokom geografskom području?
2. Da li disperzovani pristup na 50+ lokacija u 30+ mjesnih zajednica, bez jedinstvene tehničke logike koja ih povezuje, ispunjava kriterij kohezije i logičke cjeline projekta koji se podrazumijeva u okviru ovog Poziva?



3. Imajući u vidu da Poziv podrazumijeva jedinstvenu projektnu dokumentaciju, predmjer i predračun, te jedinstven ugovor o izvođenju radova – da li je tehnički i administrativno prihvatljivo tretirati ovakav skup disperzovanih intervencija kao jedinstven projekat?

Napominjemo da smo svjesni ograničenja ovog pristupa u pogledu tehničke koherentnosti i administrativne upravljivosti, te da nam je zvanična potvrda neophodna kako bismo donijeli informisanu odluku o apliciranju ili usmjeravanju resursa prema prikladnijem projektnom konceptu.

## Odgovor 2.

EU4CAET Poziv ne zahtijeva da projekat javne rasvjete obuhvata jednu ulicu, zonu ili naselje. Zamjena LED rasvjetnih tijela na više tačkastih lokacija može biti prihvatljiva, uključujući ruralna područja, pod uslovom da se prijedlog projekta predstavi kao jedinstven, koherentan projekat javne rasvjete sa jasno definisanim obuhvatom i javnom koristi. Aplikant treba dostaviti jedinstvenu projektnu dokumentaciju te predmjer i predračun/specifikaciju radova koji obuhvataju sve lokacije, uz kategorizaciju lokacija i tipova rasvjetnih tijela kako bi se mogla provjeriti adekvatnost predloženih rješenja. Nabavka opreme i izvođenje radova moraju se provesti kroz postupak javne nabavke. Pored toga, projekat mora u trenutku prijave dokazati spremnost za implementaciju, uključujući kompletnu tehničku dokumentaciju (i dozvole/saglasnosti gdje je primjenjivo), jasno definisane količine i specifikacije, dokaz o vlasništvu/pravu korištenja lokacija te finansijsku sposobnost za obavezno sufinansiranje (grant pokriva 50%–80% prihvatljivih troškova, uz 20%–50% vlastitog učešća).

